

Mike Eman a reuni cu Valero ayera

ORANJESTAD /SAN ANTONIO – Prome Minister Mike Eman y Minister di Energia Mike de Mesa a topa cu hefe grandi di Valero Corporation Bill Klesse ayera na San Antonio Texas riba e situacion actual cu tin na e refineria. Esaki a keda confirma na BONDIA ARUBA pa e secretaria di Consejo di Minister Nicole Hoevertsz. "Nan plan tabata pa topa otro awe na Texas" Hoevertsz a confirma na BONDIA ayera merdia.

E resultado di e reunion sinembargo no ta conoci pasobra Hoevertsz no tabata biahando cu nan. Como tal e no por a duna un bista di con e reunion ey a bai. E bishita ta uno relampago mirando cu awe mes nan ta bolbe Aruba for di Texas.

**Continuacion
Pagina A3**

Den un reunion relampago na Merca riba e situacion na Aruba

Mike Eman a reuni cu Bill Klesse di Valero ayera

Continuacion di pagina A1

E mandatario su intencion ta pa haya aclaracion di e situacion precario cu e refineria ta aden aworaki, manera cu BONDIA ARUBA a bin ta raporta e siman aki caba. E reduccion den produccion ultimo simannan y bendiendo productonan rafina na un tarifa reduci, no ta un bon noticia aunke e ta pa salvaguardia e operacion di e refineria.

Mirando e importancia di e refineria su existencia, a dicidi di tuma e iniciativa di bai Merca y topa cu e hefe mes pa asina informa nan mes debidamente y mira kico e escenario ta pinta pa Aruba y pa e refineria. Tin mucho informacion ta saliendo for di e refineria cu ta negativo y como tal kier a haya un bon informacion concreto di kico ta e planan pa futuro pa asina no tin ningun sorpresa dentro di poco.

Ta conoci cu asina cu e rumor a plama anja pasa fin di anja cu e refineria tin intencion di sera porta atrobe, cu Minister di Finanzza Mike de Meza a bisa mesora cu no tin ningun informacion concreto cu e refineria ta serando su porta, sino mas bien ta den un situacion fastioso pa cual e la tuma medida pa asina wanta e slanan cu ta biniendo economica-

mente.

Tabata antayera ainda cu BONDIA ARUBA a raporta cu Valero Energy Corporation a confirma na comienso di siman aki na prensa mericano cu e refineria di Valero na Aruba a reduci nan tarifa di procesa petrolio crudo, pa un tarifa no publica pa e ultimo simannan debi na e situacion economico. Esaki segun vocero Bill Day a laga sa na prensa mericano. Pues basicamente loke cu e la confirma na BONDIA ARUBA recientemente a keda anuncia formalmente na Merca na comienso di e siman aki.

Tambe Day ta muestra cu e compania ta evaluando su opcionnan riba un base diario. "E refineria ta afecta negativamente pa margen hopi abou di producto como tambe e caida di e diferencial di prijs entre crudo pisa y lihero. Tambe e compania ta bisa cu no tin un fecha fiho riba cual e planta lo por opera normalmente manera cu semper e ta opera. Actualmente pues e ta operando riba capacidad reduci

Relaciona cu e reduccion di produccion tambe tabata for di siman pasa cu tabatin rumornan persistente for di paden di e refineria cu lo a retira un grupo local di persona, debi



Prome Minister Mike Eman



Bill Klesse



cu e refineria ta operando bou di su capacidad cu taifica basicamente cu e no mester di tanto hende pa e

operacion di refina petrolio. E vocero local Marianne Arends Croes no tabata altura tampoco di e infor-

macion aki y despues e vocero cooperativo a splica pakico esei ta, pasobra ta trata di un simple rumor. □

Huez na Alabama ayera

A declara Natalee Holloway oficialmente morto

BIRMINGHAM, Ala. –Un huez ayera na Alabama (estado unda cu Natalee Holloway tabata biba) a declara Holloway morto oficialmente. Esaki apenas 24 ora despues cu Joran van der Sloot a declara su mes culpabel di un otro morto, Stephanie Flores na Peru e siman aki.

E hues a dicta a base di peticion di e propio tata di Holloway, esta Dave Holloway mientras cu e mama Beth Twitty a protesta e caso aki.

Algun tempo pasa (año pasa) e tata a entrega e peticion aki, 6 año despues cu su yiu muher a dis-

parce na Aruba, supuestamente na man di e unico sospechoso den e caso aki di Natalee Holloway. Ora cu e tata a haci tal acto, e mama mesora e protesta (nan ta divorcia) e hecho aki y a muestra cu e no ta di acuerdo cu esaki.

Pero aworaki ta obvio cu e tata a logra su meta y cu aworaki oficialmente su yiu muher ta declara morto.

No ta conoci kico exactamente esaki ta nifica y si den cualkier caso, e morto aki lo por tin effect riba un eventual polisa di seguro cu lo tabatin pa Holloway. Algo cu semper

tabata un asunto cu a keda papia ariba y cu por tabata un di e motibonan di e morto.

No ta conoci ainda kico e acto aki di ayera lo tin riba e caso na Aruba y con Ministerio Publico lo bai trata esaki. Por wel ta cu e no tin ningun efecto riba e caso (ainda den investigacion) of cu awor e caso por wordo sera oficialmente si no tin sentido pa sigui busca ya cu e victima oficialmente ta morto.

Of, cu awor e cargo y sospecho contra Joran vd Sloot ta haya un otro tinte y acusacion oficial. □

